

Na osnovu člana 12. Zakona o plaćama i naknadama članova organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo („Službene novine KS“ broj: 10/16) i Rješenja Vlade Kantona Sarajevo broj: **02-04-54562-33.2/25**, direktor Javne ustanove Terapijska zajednica-Kampus Kantona Sarajevo, **Mr. Adis Hadžić** i član Nadzornog odbora Javne ustanove Terapijska zajednica-Kampus Kantona Sarajevo, **Sead Muratagić** iz Ilijaša [REDACTED] uključuju:

UGOVOR

-o pravima, obavezama, odgovornosti i visinu naknade za rad člana Nadzornog odbora-

Član 1.

Ovim Ugovorom ugovorene strane utvrđuju prava, obaveze, odgovornosti i visinu naknade za rad člana Nadzornog odbora Javne ustanove Terapijska zajednica-Kampus Kantona Sarajevo.

Član 2.

Vlada Kantona Sarajevo na **104.** sjednici održanoj 27.11.2025. godine, Rješenjem broj: **02-04-54562-33.2/25**, imenovala člana Nadzornog odbora Javne ustanove Terapijska zajednica - Kampus Kanton Sarajevo (iz reda stručnih radnika u Ustanovi), **Muratagić Seada** na period od četiri (4) godine.

Član 3.

Član Nadzornog odbora će obavljati svoju funkciju u skladu sa pravima i obavezama koje proizilaze iz ovog Ugovora, Zakona RBiH, Zakona Federacije BiH, Zakona Kantona Sarajevo, Pravilima Javne ustanove Terapijska zajednica-Kampus Kantona Sarajevo i Poslovníkom o radu Nadzornog odbora.

Član 4.

Član Nadzornog odbora dužan je da učestvuje u radu Nadzornog odbora na sjednicama i raspravlja o pitanjima koja su na dnevnom redu, daje prijedloge i sugestije prilikom donošenja odluka, zaključaka i stavova.

Član 5.

Pravo i dužnost člana Nadzornog odbora je da prati i kontroliše poslovanje Javne ustanove Terapijska zajednica-Kampus Kantona Sarajevo u cilju zaštite interesa osnivača.

Član 6.

Član Nadzornog odbora dužan je svoje obaveze i odgovornosti izvršavati u skladu sa zakonom i normativnim aktima Javne ustanove Terapijska zajednica-Kampus Kantona Sarajevo.

Član 7.

Članu Nadzornog odbora isplaćuje se naknada na tekući račun, u skladu sa članom 17. stav (1) alineja b) Uredbe o određivanju visine plaća i naknada organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo („Službene novine Kantona Sarajevo“ broj: 41/16, 46/16 - ispravka, 5/17, 53/18 i 42/20), ili u skladu sa drugim Zakonskim propisima i aktima koji nastupe za vrijeme obavljanja rada kao člana Nadzornog odbora, a koji se odnose na isplatu naknada za rad u Nadzornim odborima.

Naknada se isplaćuje mjesečno, pod uslovom da je u tom mjesecu održana minimalno jedna sjednica.

Član 8.

Ovaj Ugovor se zaključuje na period utvrđen Rješenjem broj: **02-04-54562-33.2/25** od 27.11.2025. godine o imenovanju predsjednika i članova Nadzornog odbora Javne ustanove Terapijska zajednica -Kampus Kanton Sarajevo, a isti može prestati iz razloga utvrđenih u članu 116. Zakona o socijalnoj zaštiti, zaštiti civilnih žrtava rata i zaštiti porodice sa djecom KS, kao i iz drugih razloga propisanih zakonskim i podzakonskim aktima.

Član 9.

Za eventualne sporove po ovom Ugovoru nadležan je sud u Sarajevu.

Član 10.

Ovaj Ugovor je sačinjen u četiri istovjetna primjerka od kojih 3 (tri) primjerka zadržava Javna ustanova Terapijska zajednica-Kampus Kantona Sarajevo, a 1 (jedan) primjerak članu Nadzornog odbora.


Sead Muratagić

Broj: 35-01-31-7- 1416 /25
Datum: 16.12.2025. godine


DIREKTOR
Mr. Adis Hadžić
